


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Meriah ukurta pulung bas mengketi kebaktin minggu Trinitatis enda, eme minggu ija Gerejanta ngejapken Keleng ate ras pengarak-ngarak Dibata arah pengidahta kerna Dibata Si Telu Sada, eme Dibata Bapa, Anak, ras Kesah Si Badia. Minggu enda iajuk kita ngejapken kiniersadan Dibata alu nehken padanNa si ibenaken arah Dibata nepa doni ras isina seh ku karya keselamatanNa arah Tuhanta Jesus Kristus, ras bage pe penemani Kesah si Badia seh ku pendungi jaman.

Erkata Lonceng

(Perp. Tedis)

Rende

KEE No. 196 : 1, 2

(Serayan Kebaktin Bengket Ku Mimbar)

Kebaktin Minggu, 31 Mei 2026
Minggu Trinitatis : Dibata Si Telu Sada

3	Votum – Salam <i>(Perp. Tedis)</i>
L	I bas gelar Dibata Bapa, AnakNa Jesus Kristus Tuhanta, ras i bas gelar Kesah Si Badia. Kejuah-juahen jadi sikerajangen kalak si ngerembakken dirina ras Dibata, bagepe si njagai kiniersadanna ras Dibata. Kekelengen ras kemuliaan Dibata si nemani kegeluhenta genduari nari seh rasa lalap. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Kam enggo ipilih rikutken sura-sura Dibata Bapa, janah ijadien KesahNa jadi anak-anakNa si badia, gelah kam ngikutken Jesus Kristus dengen bersih kam ibahan darehNa. Lias ate ras kemalemen ate si la erkeri-kerin, si rehna i bas Dibata nari, jadi sikerajangenndu gelah” (1 Petrus 1 : 2). Erpalasken Kata Dibata enda, sipuji IA arah ende-endenta : KEE No. 223 : 1, 2, 3
5	Pujin Man Dibata Bapa, Anak Ras Kesah Si Badia <i>(Perp. Kundul)</i>
L	Dibatanta erdolat dengen erkuasa, enggo itepaNa langit ras doni, rikut ras kerina isina alu mehuli.
P	Ipuji kami Kam Tuhan. Kam Dibata si erdolat dengen erkuasa.
L	Jesus Kristus si enggo reh ku Doni enda. Reh IA maba perdamen ras keselamatan arah kematen i kayu persilang. ItalukenNa kematen jenari nangkih ku Surga guna nikapken ingan man manusia.
P	Ipuji kami perbahanenNdu simbelin. KematenNdu nelamatkan kami si perdosa.
L	Dibata tetap njagai dengen mere kepentaren man banta arah Kesah Si Badia seh maka la kita melumang dengen talu ibahan doni enda.

P	Ipuji Kam O Tuhan, gegeh ras kepentarenNdu kap, si erbahan kami ngasup naluken perbeben doni enda.
L	Sipenangkiah pujinta man Dibata si Telu Sada alu ngendeken : KEE No. 310 : 1, 2
6	Kinata Kegeluhen Manusai
L	Dibata enggo ncidahkan kemuliaanNa, mereken perkuah ateNa arah Jesus Kristus, ras njagai kegeluhenta arah Kesah si Badia. Sigejab nge ndia pendahin Dibata e i bas kegeluhenta ? <i>(Paksa Teneng)</i> Mari tole siakuken dosanta arah ende-endenta : KEE No. 417 : 1, 2
7	Berita Pengalemi Dosa <i>(Perp. Tedis)</i>
L	Itandai Dibata nge manusia i bas kinilangsupenna ngerembakken diri man Dibata Si Badia, maka niNa : <i>“Kutamaken me Undang-undangKu ku bas pusuhna, janah Kusuratken me ku bas ukurna” Tole nina, “Kulupaken me dosa-dosana ras perbahanenna si jahat” (Heber 10 : 16b, 17).</i> Bagem nina Dibata man banta kerina. Amin. Sipenangkiah pujinta erkiteken dosanta enggo ialemi Dibata, arah ende-endenta : KEE No. 96 : 1, 2, 3
8	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Kejadin 11 : 1 - 9 . Mari siogeken secara pegancih. Sibenaken pengogenta
	<u>Menara Babil</u>
11:1 L	Mula-mula nai sada nge cakap ras kata si ipake manusia i belang-belang doni enda.
11:2 P	Berkat manusia e kempak matawari pultak, e maka seh ia i bas sada taneh kendit i Babilon. I je me ia ringan.

<p>11:3 L</p>	<p>Nina sapih-sapih ia, “Mari! Sibahanlah batu bata, kenca bage situtung gelah piher.” E maka enggo lit i bas ia batu bata jadi bahan bangunen, ras ter guna bahan perekatna.</p>
<p>11:4 P</p>	<p>Nina ka kalak enda, “Sibahanlah sada kuta ras menara, tampukna seh ku langit, gelah arah e terberita gelarta, janah la kita merap i babo doni enda.”</p>
<p>11:5 L</p>	<p>E maka nusur TUHAN ngenen kuta ras menara si enggo ipajekken kalak enda.</p>
<p>11:6 P</p>	<p>Nina TUHAN, “Genduari kalak enda sada bangsa ras sada cakap; enda me bena-bena i bas kerina pendahinna. Lanai ndekahsa kuga pe beluh ia erbahan kai pe atena!</p>
<p>11:7 L</p>	<p>Ota nusur Kita, sipecah cakapna jadi melala gelah lanai ia siangkan sapih-sapih ia.”</p>
<p>11:8 P</p>	<p>E maka ikerapken TUHAN kalak ndai ku belang-belang doni enda. Kenca bage lanai iteruskenna majekken kuta e.</p>
<p>11:9 L</p>	<p>E me sabapna maka kuta ndai igelari Babil, erkiteken TUHAN enggo nggawer cakap manusia, janah i jenari me TUHAN ngkerapken manusia ku belang-belang doni enda.</p>
	<p>Ketuahen kalak si megiken kata Dibata, dengen si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p style="text-align: center;"><i>Haleluya</i></p> <p style="text-align: center;"><i>Haleluya</i></p> <p style="text-align: center;"><i>Haleluya</i></p>

b	Ertoto guna Khotbah
c	Khotbah : 1 Johanes 4 : 1 - 6. Tema : “Kesah Si Rehna I Bas Dibata Nari”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>Marilah siendesken persembahen pengataken bujurta man Tuhan rikut ras pengakun keriahen ukurta bagi siakuken raja Daud i bas 1 Kronika 29 : 17, nina :</p> <p><i>“Kueteh maka Kam si nguji pusuh peraten dengen meriah iakapNdu ras bangsa si ertutus ate. I bas pusuh peraten si bersih ras bujur, meriah ukurku merekenca enda kerina man baNdu, janah kuidah kuga bangsaNdu si enggo pulung i jenda alu meriah ukur maba persembahen-persembahen man baNdu”</i></p> <p>Tupung sisehken persembahenta, ras kita rende i bas :</p> <p>KEE No. 316 : 1, 2, 3</p> <p>Pertoton Persembahen ras Syafaat</p> <p>KEE No. 315 : 1, 2, 3, 4, 5 <i>(Kolekte Extra)</i></p>

11	Perpadanen Man Dibata <i>(Perp. Tedis)</i>
L	Dibata me simereken kegeluhen, jenari ibereNa kegeluhen si mbaru man bandu arah Jesus Kristus, janah tetap ipelimbaruni gegehndu arah Kesah si Badia.
P	Erpadan aku Tuhan, ateku ngergaken kegeluhen si iberekenNdu Erpadan aku Tuhan, tetap ngusih perbahanenNdu, si enggo ituduhkanNdu i bas Jesus Kristus. Erpadan Aku Tuhan, tetap makeken kepentaren si enggo ijukurkenNdu arah Kesah si Badia.
L	Guna mpeteguhi perpadanenta man Dibata, rende kita i bas : KEE No. 392 : 1, 2, 3
12	Pertoton Tuhan
13	Pengutusan Ras Pasu-Pasu Dibata
L	Berelah perukuren ras kinitekenndu ipelimbaru Dibata, alu bage ngsup kam njagai dirindu, bagepe njagai persadandu ras perpulungenNa i bas keleng ate. Guna si e, alokenlah pasu-pasu idur Dibata nari : <i>“Kemalemen ate si rehna i bas Dibata nari, si la terukuri manusia, e lah singlarak-ngarak kegeluhendu erpalasken persadandu ras Kristus Jesus”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>